



AMAN PALESTIN BHD (719871-K)

**KERTAS KERJA
PROJEK RAMADHAN
AL-MUBARAK 1430H
BERSAMA WARGA IPT/ KOLEJ**

AMAN PALESTIN BERHAD

NO. 1, JALAN 3/3B, SEKSYEN 3,
43650 BANDAR BARU BANGI, SELANGOR.
TEL: 03-89267019 FAKS: 03-89259963

E-ME L

alquds3@streamyx.com / amanpalestin@yahoo.com

LAMAN WEB

www.amanpalestin.org

Dengan nama Allah yang Maha Pemurah Lagi Maha Mengasihani

1.0 PENDAHULUAN

Isu Palestin adalah bukan sebagai isu umat Islam sahaja malahan merupakan isu kemanusiaan yang memerlukan usaha bersepadu daripada semua pihak untuk membantu rakyat Palestin yang telah sekian lama berada di bawah penjajahan serta kezaliman rejim Zionis.

Aman Palestin telah berdaftar secara rasmi sebagai sebuah syarikat berhad yang tidak bermotifkan keuntungan pada 3 Januari 2006. Ia telah bergerak secara aktif dalam siri-siri bantuan melalui pengumpulan dana dan sehingga kini, Aman Palestin terus menggiatkan lagi usaha untuk meraih sokongan dan perhatian rakyat Malaysia untuk terus menghulurkan bantuan secara berterusan kepada rakyat Palestin.

Bersempena bulan Ramadhan 1430H, Aman Palestin Berhad ingin mengambil peluang ini untuk menganjurkan projek bantuan Ramadhan bersama warga IPT bagi meringankan beban rakyat Palestin. Projek ini merupakan salah satu langkah yang diharap dapat mengajak warga IPT di seluruh Malaysia untuk sama-sama membantu rakyat Palestin yang amat memerlukan sumbangan serta sokongan padu daripada semua pihak.

Dengan kerjasama ini, keprihatinan dan bantuan yang dihulurkan sudah tentu dapat meringankan penderitaan dan kesusahan mereka.

2.0 NAMA PROJEK

Projek Bantuan Ramadhan Bersama Warga IPT

3.0 RASIONAL

Rata-rata warga IPT di seluruh negara telah menyedari tentang isu Palestin sebagai isu kemanusiaan yang global. Kebanyakan mahasiswa/i telah mula melakukan usaha di peringkat IPT serta bergerak secara aktif dengan menjayakan program-program melalui persatuan-persatuan berdaftar di IPT untuk memberi kesedaran secara menyeluruh amnya kepada masyarakat Malaysia dan khususnya kepada warga IPT.

4.0 OBJEKTIF

- 4.1 Membantu rakyat Palestin bagi meringankan beban mereka serta berkongsi kegembiraan sempena menyambut bulan Ramadhan yang mulia ini;
- 4.2 Menunjukkan tanda sokongan rakyat Malaysia terhadap perjuangan rakyat Palestin;
- 4.3 Mengajak umat Islam di Malaysia menghayati erti ibadah di bulan Ramadan dalam aspek
- 4.4 Menyemai nilai-nilai persaudaraan Islam di kalangan Muslimin keseluruhannya tanpa mengira bangsa dan batasan sempadan geografi.

5.0 ANJURAN

Aman Palestin Berhad.

6.0 TEMPOH PELAKSANAAN

Sepanjang Bulan Ramadhan

7.0 SASARAN PENYUMBANG

Seluruh warga IPT termasuklah para mahasiswa/i, pensyarah-pensyarah, staf-staf sokongan dll (anggaran purata 5000 orang di setiap IPT termasuk muslim dan non-muslim).

8.0 KONSEP PELAKSANAAN

- 8.1 Mengadakan program berbentuk kerjasama dengan persatuan-persatuan mahasiswa di IPT/ kolej atau sukarelawan IPT yang pernah menjayakan program Palestin di IPT.
- 8.2 Menganjurkan projek Kempen Tabung Ramadhan yang akan melibatkan semua warga IPT.
- 8.3 Mengadakan Hari Palestin/ Minggu Palestin sempena Hari Al-Quds Sedunia (21 Ogos) – mengadakan aktiviti-aktiviti yang dapat menyemarakkan lagi suasana penghayatan di bulan Ramadhan (seperti ceramah/ forum/ tayangan perdana, pameran, jualan amal, kempen derma).

- 8.4 Mengadakan pelancaran kempen tabung Ramadhan di peringkat IPT/ kolej – mewujudkan tabung di setiap jabatan/ kolej kediaman (seorang wakil untuk terima tabung) – kempen RM1 sehari juga akan diwar-warkan semasa pelancaran dan melalui pamflet yang akan diedarkan.
- 8.5 Mengadakan kerjasama dgn Pusat Islam IPT untuk menganjurkan projek iftar jamai'e (konsep iftar sambil menderma) secara besar-besaran bertemakan Untukmu Palestin. Tarikh yang dipilih berdasarkan kesesuaian (perbincangan).
- 8.6 Mengadakan kutipan tabung bergerak semasa Solat jumaat (mingguan) & solat tarawih sepanjang bulan Ramadhan (masjid). Boleh diadakan khutbah Jumaat atau slot tazkirah ringkas mengenai isu Palestin.
- 8.7 Kemuncak projek Ramadan – penyerahan tabung oleh wakil IPT/ kolej kepada pihak AP (wakil-wakil negeri) pada minggu akhir Ramadan atau tarikh-tarikh tertentu sama ada secara rasmi atau tidak (bergantung kepada kesesuaian masa).

9.0 TENAGA PELAKSANA

- 9.1 Pihak Aman Palestin (sukarelawan/ wakil-wakil negeri di seluruh negara)
- 9.2 Pihak IPT (persatuan-persatuan pelajar yang berdaftar)

10.0 SASARAN PENDAPATAN

Secara keseluruhan projek bantuan Ramadan bersama warga IPT yang akan dijalankan sepanjang bulan Ramadan di seluruh negara mensasarkan kutipan dana sebanyak RM500,000.

11.0 PENYALURAN DANA PROJEK

Dana projek bantuan Ramadhan ini akan disalurkan kepada rakyat Palestin termasuklah anak-anak yatim dan keluarga miskin Palestin yang berada di Kem-kem Pelarian Palestin di dalam dan juga luar Palestin (Semenanjung Gaza, Tebing Barat & sekitar Lubnan) sempena Ramadhan dan sambutan Aidilfitri melalui badan-badan kebajikan Palestin yang diiktiraf.

Dana bantuan yang berjaya dikutip akan disalurkan untuk membantu projek-projek berikut:

| BIL | PAKEJ BANTUAN | HARGA/ UNIT |
|------------|--|--------------------|
| 1 | Majlis Sahur & Berbuka Puasa untuk keluarga miskin dan anak-anak yatim | RM 40.00 |
| 2 | Pakej Makanan untuk keluarga miskin | RM 160.00 |
| 3 | Hadiah Hari Raya Aidilfitri untuk anak-anak yatim | RM 180.00 |

12.0 PENUTUP

Aman Palestin mengharapkan projek bantuan Ramadhan kali ini dapat dilaksanakan dengan sebaik mungkin dengan kerjasama daripada semua pihak. Diharap projek ini mencapai objektif yang telah digariskan seterusnya berjaya mencapai sasaran yang diinginkan. Semoga segala usaha bersama dalam menjayakan projek ini sedikit sebanyak dapat meringankan beban dan kesusahan yang ditanggung oleh rakyat Palestin.